

scit veritatem , & doctrinam definiendam esse conformem regulis definitionum, nempe verbo scripto, quod est Sacra Scriptura , aut verbo tradito , quod est antiqua traditio ; & ex Cathedra pronuntiat , definit , & statuit hoc , vel illud esse de fide credendum , hanc , vel illam propositionem esse veram , vel fallam , hanc , vel illam doctrinam esse certam certitudine infallibilis veritatis . Ut autem Pontifex hoc supremum sua auctoritatis oraculum pronuntiet , serio , & diligentissime sive per se , sive per suos Theologos Assessores examinare consuevit , an articulus definiendus sit conformis illis duobus principiis Sacrae Scripturae , & traditionis , an concordet cum doctrina Ecclesiae , & Sanctorum , & tunc tuto , & securus procedet , poteritque ex Cathedra pronuntiare decreta . At Mysterium Immaculati Conceptus Mariae , quamquam hucusque sit habitum tamquam pium , laudabile , & religiosum , numquam tamen post tot seculorum cursum , fuit approbatum tamquam conforme Scripture , & traditioni ; adeoque Pontifices omnes , et Concilia hucusque definitionem continuerunt , ne illorum infallibilitas dubietari succumberet , et in controversiam veniret . Quare dicendum , definitionem facere non expedire Pontifici ; eo vel maxime hisce miserrimi temporibus , in quibus Heterodoxi omnes , et Theologi suspectae doctrinæ continuo hanc auctoritatene pulsant , et tamquam scopum ad sagittam exponunt . Quare si in seculis anteactis nunquam credita fuit opportuna definitio talis Mysterii , multo minus est hodie credenda opportuna . Teneamus , quæ possidemus , ne per novas definitiones calumniam patiantur possessa .

XIX. Tertio tandem haec definitio non videtur expedire singulis Christi Fidelibus . Pax , & concordia toto conatu est inter Fideles servanda ; ab ipsa omne bonum . Hinc Pontifices omnes zelo servandi inter suos tale bonum in suis Constitutionibus pro mysterio Conceptionis emanatis sub gravissimis poenis vetuerunt , ne quis audeat alterutram ex sententiis censuris inutere ; & continuo usque ad hodiernum diem poenas infligunt illis imprudentibus viris , qui e suggestis , vel in ca-